



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Caro Archiepiscopo Montis Regalis, ejúsque successoribus canonicè
substituendis in perpetuum.

urn:nbn:de:hbz:466:1-20006

ipſius præjudicium inveneris attentatum, ei beneficium, ſi quod vacat, appellatione remota non differas assignare. Datum &c. VIII. Idus Iulij &c.

C A R O A R C H I E P I S C O P O
*Montis Regalis, ejuſque ſucceſſoribus
canonicè ſubſtituendis in perpetuum.*

Licet Dominus noſter Ieſus Chriſtus Eccleſiam ſuam inſtituens, diſcipulis ſuis eandem ſuper credentes ligandi ac ſolvendi dederit poteſtatem, unum tamen in ea, beatum ſcilicet Petrum Apoſtolum, voluit præminere, dicens: *Tu es Petrus, & ſuper hanc petram ædificabo Eccleſiam meam; & quodcunque ligaveris ſuper terram, erit ligatum & in cæliſ; & quodcunque ſolveris ſuper terram, erit ſolutum & in cæliſ.* intelligendum ex hoc tribuens fidelibus univerſis quod ſicut unus erat mediator Dei & hominum homo Ieſus Chriſtus, pacificans quæ in cæliſ erant & quæ ſuper terram, & diſſolvens maceriarum parietem, ac faciens utraque unum, ſic & in Eccleſia ſua unum ex ipſo & per ipſum omnium caput eſſet; ne in membris fieret ulla diverſitas, quæ non per unius auctoritatem ac providentiam capitis ad unam fidei veritatem eandemque religionis regulam reducerentur & cultum. Quod etiam in eo loco monſtratur, in quo & de confirmandis fratribus & pascendis dominicis ovibus præceptum à Domino noſtro legitur ei datum. Ex hac itaque poteſtate, quæ ad beatum Petrum ex dominica traditione pervenit, ſacroſancta Rom. Eccleſia, quæ per Dominum Ieſum Chriſtum ab eodem beato Petro inſtituta eſt & fundata, ſuper univerſas Eccleſias auctoritatem obtinuit ut ubique ratum eſſet ac ſolidum quod ipſius providentia ſtauiſſet. Quod etiam ab univerſis Eccleſiis per orbem terrarum uſque quaque diſſiſis & receptum eſt & ſervatum; ita ut per eam & diſtributio facta ſit dignitatum, & indictum Chriſti fidelibus & diligentius ordinatum quod ad cultum pertinere viſum eſt pietatis. Ex hac ſiquidem data beato Petro à Domino poteſtate ipſe ac ſucceſſores ipſius per diverſa mundi loca conſtituerunt Episcopos, & dignitates per provincias diviſerunt. Nos etiam, qui eis, licet impares meritis, Domino vocante ſucceſſimus, in loco qui Mons Regalis dicitur, pro multa utilitate populi Chriſtiani metropolitam

ſedem à piæ memoriæ Domino Lucio prædeceſſore noſtro ſtatutam auctoritate apoſtolica confirmamus. Cum enim illuſtris memoriæ V. quondam Siciliae Rex, divinæ caritatis igne ſuccenſus, ad gloriam Dei & ſalutem ſuam ac parentum ſuorum monaſterium ibi fundaſſet, & primò locum ad id agendum beato Petro & Romanæ obtuliſſet Eccleſiæ, ab episcopali ſubjectione per auctoritatem prædeceſſoris noſtri feliciſ memoriæ Alexandri Papæ aſſenſumque bonæ memoriæ Walterij Panormitani Archiepiscopii liberum reddidit & quietum; ac ſic ædificiis erigendis regiam curam impendens, brevi tempore templum Domino multa dignum admiratione conſtruxit, caſtris munitiſſimis & redditibus ampliavit, libris & ſacris veſtibus & argento decoravit & auro, & tandem multitudinem monachorum de Cavenſi ordine introduxit, & in tantum ædificiis & rebus extulit aliis locum ipſum, ut ſimile opus per aliquem Regum factum non fuerit à diebus antiquis, & homines in admirationem adducat ad quos ex auditu ſolo potuerit quod factum eſt pervenire. Deinde ad opus bonum, ſicut cervus ad fontes aquarum, anhelans, & modicum reputans quicquid deſiderio fecerat æternorum, juxta id quod ſapientia dicit, *Qui edunt me, adhuc eſurient; & qui bibunt me, adhuc ſitient.* à prædicto Alexandro & Lucio prædeceſſoribus noſtris ac fratribus cum multa inſtantia poſtulavit ut idem locus dignitate metropolitana donaretur; præſertim cum & illuc populum congregare cœpiſſet, & diſponeret congregare, qui ex illa parte contra omnium inimicorum incurſus inexpugnabile munimen poſſet toti terræ conferre. Porrò idem Dominus Lucius, deliberatione habita non parva cum fratribus, & attendens communem utilitatem quæ de incremento illius loci ſperabatur, deſiderio & petitioni ejus liberaliter acquievit; ne ubi liberaliſſimus ipſe de theſauro & tenementis ſuis extiterat, idem Papa de his quæ ad injunctum ſibi apoſtolatus officium pertinebant exiſtere difficilis videretur, & tanta ejus minueretur tarditate devotio, quam ſummi pontificatus ſtudio de bono congruebat ad melius incitari. Nam & hoc pro deſiderio ejus non parum facere videbatur, quòd (licet inſolitum eſſet) duæ metropoles tam vicinæ conſi-

sterent, ex hac tamen nova constitutio-
ne nequaquam jus minueretur alterius;
cū jam antè monasterium ipsum per
Archiepiscopos & Episcopos tam in se
quā in omnibus locis suis ab omni epis-
copali jure fuisset exemptum, & plena
in omnibus libertate donatum; ita ut nul-
li Archiepiscopo vel Episcopo, nisi tan-
tū Romano Pontifici, subjaceret. Su-
pradictum itaque Vulliel. prædecesso-
rem tuum suis tanquam beati Petri ma-
nibus consecravit, & Pallij dignitate
statuit decorandum; recipiens eandem
Ecclesiam, ad honorem Domini Dei
nostri & memoriam beatæ Mariæ sem-
per virginis regia liberalitate fundatam,
sub apostolici tuitioe muniminis, &
suo privilegio quod factum fuerat robo-
ravit. Statuit autem in primis ut ordo
monasticus, qui secundū Dei timorem
& beati Benedicti regulam & Cavenfis
monasterij observantias in eodem loco
institutus esse dignoscitur, perpetuis ibi-
dem temporibus inviolabiliter observe-
tur. Præterea quascunque possessiones
& quæcunque bona eadem Ecclesia in
presentiarum ex dono prænominati Re-
gis ac quorumlibet aliorum rationabi-
liter possidet, aut in futurum conces-
sione Pontificum, largitione Principum,
fidelium oblatione &c. usque ad verbum
permaneant. In quibus episcopatum Ca-
thaniensis proprio duximus vocabulo de-
signandum; quem idem dominus Lu-
cius de fratrum communi consilio, ad
multam prædicti Regis instantiam, dicto
prædecessori tuo ejusque successoribus,
sicut propriis Archiepiscopis, metropo-
litico in perpetuum constituit jure sub-
esse. Episcopale quoque jus, & omnia
quæ in subscriptis locis ex concessione
fratrum & coepiscoporum idem præde-
cessor tuus habebat, ipsi ejusque succes-
soribus confirmavit, & firma & illibata
perpetuis temporibus permanere decre-
vit. Ex concessione scilicet bonæ me-
moræ Walterij Panormitani Archiepis-
copi, cum voluntate, consilio, & assen-
su omnium Canonicorum suorum, & re-
gia etiam conniventia, totam parro-
chiam & diocesim castelli Corilionis,
cum monasterio sanctæ Mariæ Magda-
lenæ, & aliis Ecclesiis, cum decimis &
aliis justitiis quas de Baronibus & aliis
hominibus ipsius castelli & pertinentia-
rum ejus Panormitana Ecclesia solebat
percipere, & cum omni parrochiali jure

& episcopali quod in eadem parrochia
& diocesi videbatur habere. Ecclesiam
præterea sancti Silvestri, quæ fuerat * de
Mania & proprij juris Panormitan. Ec-
clesiæ, quam pro eo quod Ecclesiæ tuæ
multum vicina erat, & multum utilior
erat ei quā Panormitan. Ecclesiæ, jam-
dictus Archiepiscopus (sicut in ejus scri-
pto autentico continetur) de consilio
& assensu omnium fratrum suorum ei-
dem Ecclesiæ libera & spontanea tradi-
dit voluntate, cum omnibus tenimentis,
villanis, & possessionibus, & omni jure
suo. Ex concessione bonæ memoriæ Ni-
colai quondam Messanen. Archiepis-
copi, cum totius Capituli sui consensu, om-
ne jus episcopale quod Ecclesia Messa-
nen. deberet habere in monasterio &
omnibus pertinentiis ejus, quod illustri
recordationis Margarita gloriosa quon-
dam Regina in loco qui dicitur Mania-
rium in diocesi Messanen. ad honorem
Dei & beatissimæ Mariæ semper virginis
memoriam pro sua devotione constru-
xit, & per prædictum Archiepiscopum
ab omni debito Messanen. Ecclesiæ li-
berum obtinuit & quietum. Ex conces-
sione T. Regen. Archiepiscopi, cum com-
muni Capituli sui consensu, totum jus
episcopale vel quodcunque aliud Re-
gens Ecclesiæ pertinebat, in monasterio
sancti Salvatoris de Marcello, quod con-
struxit Iohannes Calomen. regius quon-
dam Camerarius, & in monasterio mo-
nialium sancti Iohannis Exocaliva, quod
est extra muros civitatis Regij, & cel-
lis, obedientiis, possessionibus, tenimen-
tis, ac pertinentiis monasteriorum ipsorum,
juxta quod in jamdicti Archiepiscopi
privilegio continetur. Ex concessione B.
Agrigentini Episcopi, cum Capituli sui
assensu, tam parrochiam & diocesim quā
universum jus episcopale, cum omnibus
decimis & aliis justitiis suis, quas de Ba-
ronibus & aliis hominibus castelli Bat-
tellarij & pertinentiarum ejus & Casa-
lis Busachini, nec non & alias decimas
omnes, & alios redditus, quos Agrigen-
tina Ecclesia in castro Corilionis & per-
tinentiis ejus habebat, sicut in scripto ip-
sius Episcopi dignoscitur contineri. Ex
concessione M. Mazanen. Episcopi par-
rochiam & diocesim, & jus episcopale,
omnesque decimas & alios redditus quos
Ecclesia Mazanen. habebat in municipio
Iati, & municipio Calatrafra, cunctis-
que pertinentiis ipsorum, sicut in scripto

* forte dominij

præfati Episcopi manifestius continetur. Ex concessione R. Anglonen. Episcopi, cum communi Capituli sui consensu, in monast. Carbonen. cellis, obedientiis, & possessionibus ejus totum jus episcopale, & quodcunque aliud in eo Anglonen. habebat Ecclesia, sicut in ipsius Episcopi scripto denotatur expressum. Ex concessione Bisinianen. Episcopi, cum Capituli sui assensu, Ecclesiam sanctæ Mariæ de Macla, cum episcopali jure, & omnibus obedientiis & pertinentiis suis, sicut in eisdem Episcopi privilegio demonstratur. Ecclesiam quoque sancti Martini constructam in tenementis Ecclesiæ à Petro Indulso, quam ipse P. obtulit eidem Ecclesiæ, cum tenementis, possessionibus, & pertinentiis suis. Pallium ad hæc, plenitudinem scilicet pontificalis officij, fraternitati tuæ de sedis apostolicæ auctoritate ac liberalitate largimur, quo intra Ecclesiam tuam ad Missarum solemnias celebranda subscriptis diebus uti debebis, Nativitate scilicet Domini nostri Jesu Christi, S. Stephani, Octava Dominicæ Nativitatis, Epiphania, Hypapanti, Dominica in ramis palmarum, Cæna Domini, Sabbato sancto, Pascha, & duobus diebus sequentibus, Ascensione, Pentecoste, tribus festivitibus beatæ Dei genitricis & virginis Mariæ, natalitio beati Iohannis Baptistæ, commemoratione omnium sanctorum, solennitatibus omnium Apostolorum, & præcipuis festis Ecclesiæ tuæ, dedicationibus Ecclesiarum, consecrationibus Episcoporum, ordinationibus Clericorum, & anniversario tuæ consecrationis die. Provideas igitur quomodo hujus indumenti honor modesta sit actuum vivacitate servandus; ut ei morum tuorum ornamenta conveniant, & esse valeas plus bonis actibus quam hujusmodi ornamento, Deo auctore, conspicuus, & quem pastoralis curæ constringit officium, dilectionem proberis fratribus exhibere; ut in humilitatis virtute fundatus, nec eleveris prosperis, nec fatigeris adversis. Ipsi etiam adversarij, propter mandatum dominicum, tuo circa te copulentur affectu; & quantum in te fuerit, pacem habeto cum omnibus, & ad pacem studeto reducere discordantes. Fulgeat in pectore tuo rationale judicij, cum superhumerali actione conjunctum; & ita in conspectu Dei pro-

cedas & hominum, quatenus commissio tibi gregi dominico virtutis præstes exemplum, & taliter opere præcedas & verbo, ut videntes opera tua bona, glorificent patrem nostrum, qui in cælis est, & gaudeant se talem rectorem habere, per quem & erudiantur ad fidem, & ad recta opera provocentur. Obeunte verò te, vel tuorum quolibet successorum, nullus ibi qualibet subreptionis astutia seu violentia præponatur, nisi quem monachi ejusdem loci, vel major pars consilij sanioris, de ipso collegio, siquidem idoneus fuerit in eo repertus, secundum Deum & canonicas sanctiones crediderint eligendum. Quod si fortè idoneus ibi reperiri nequiverit, & aliunde fuerit assumendus; per fratres ipsius loci monachus eligatur, qui nimirum & regularibus cibis & indumentis utatur. Quæ omnia, sicut ab eodem prædecessore nostro providè facta sunt, rata omni tempore volentes & inconcussa servari, nostri quoque privilegij munimine roboramus. Præterea ad exemplar felicitis recordationis Clementis Papæ prædecessoris nostri, ut Ecclesia Syracusana, quæ usque ad tempus ipsius nulli nisi Romano tantum Pontifici dignoscitur subjecta fuisse, tibi deinceps & successoribus tuis catholicis metropolitico debeat jure subesse, auctoritate apostolica confirmamus. Decernimus ergo &c. Salva sedis apostolicæ auctoritate. Ad indicium sanè devotionis suæ, ac demonstrandum quòd eadem Ecclesia Romano tantum Pontifici subjaceret, supranominatus Rex, cum eam sub nomine monasterij fundare cœpisset, centum * tarenos Romano Pontifici annis singulis statuit persolvendos. Si qua igitur in futurum &c. Datum Romæ apud sanctum Petrum per manum Rainaldi Domini Papæ Notarij, Cancellarij vicem agentis, V. Kalend. Maij, Indictione prima, incarnationis Dominicæ anno M C XCVIII. Pontificatus verò Domini Innocentij Papæ tertij anno primo.

ABBATI ET CONVENTUI
de Pigavia.

CVM tempore bonæ memoriæ Cel. Papæ prædecessoris nostri tu, fili Abbas, ad Romanam curiam accessisset, privilegium & alia scripta meruisti à sede apostolica obtinere; & (sicut à te acce-

* foret florenos.

Epist. 37.
De causa, ipso-
rum, quam ha-
bebant contra
Episcopum
Meriburgensē.